

TRIÁTLON DE MENORES 2020

1. PARTICIPANTES

Poderán participar deportistas con licenza federativa galega en vigor en 2020, nados e nadas entre os anos 2003 a 2013 (ambos incluídos).

2. INSCRICIÓNS

A inscrición para as probas de Tríatlon de Menores, formalizarase a través da páxina Web: www.fegatri.org, dentro do apartado [Competicións/ Regulamentos-inscricións](#), accedendo á proba de referencia.

Cada club deberá designar un Técnico/Delegado, responsable do Club fronte calquera incidencia da competición. Os seus datos, cun número de teléfono de contacto, serán comunicados ao email fegatri@hotmail.com. Para poder validar a inscrición na proba.

PRAZO DE INSCRICIÓN EN CADA PROBA

As inscricións pecharanse o martes anterior á proba.

Comunicación de baixas

Estas deben ser comunicadas antes das 20:00 horas do mércores anterior á proba.

As baixas non comunicadas en prazo terán a penalización vixente de 5€ por deportista, que serán facturados ao club, ao final de cada tempada.

3. CATEGORÍAS

BENXAMÍN masculino e feminino: nados nos anos 2011-2010

ALEVÍN masculino e feminino: nados nos anos 2009-2008.

INFANTIL masculino e feminino: nados nos anos 2007-2006.

CADETE masculino e feminino: nados nos anos 2005-2003.

***PREBENXAMÍN masculino e feminino:** nados nos anos 2013-2012. (a petición do organizador autorizado polo DT se as condicións da natación o permiten). 50m.-1.000m.-250m*

4. DISTANCIAS A PERCORRER

O Tríatlon é un deporte combinado e de resistencia, no cal os deportistas realizan tres disciplinas en tres segmentos: natación, ciclismo e carreira a pé. A orde é a sinalada e o cronómetro non se para durante todo o tempo que dure a competición.

CATEGORÍAS	Natación	Ciclismo	Carreira
Benxamín	100 m	2.000 m bicicleta	500 m
Alevín	200 m	4.000 m bicicleta	1.000 m
Infantil	400 m	8.000 m bicicleta	2000 m
Cadete	750 m	10.000 m bicicleta	2500 m

5.- SISTEMA DE COMPETICIÓN

- O circuito estará composto polas probas presentadas en calendario ao circuito.
- O Campionato Galego será aberto, non será preciso clasificación previa

CLASIFICACIÓN INDIVIDUAL DO CIRCUÍTO

- Haberá clasificación individual e por equipos (tanto masculina coma feminina), en cada proba.
- A clasificación final do circuito realizarase sumando os postos das probas que o compoñen. Se un deportista non participase nunha proba, ou non acadase posto na mesma recibirá 100 puntos.
- O que menos puntuación teña será o o vencedor
 - En caso de empate, vencerá o que máis primeiros postos acadara.
 - De persistir o empate vencerá o que máis segundos postos acadara, máis terceiros,...
 - De persistir o empate será a mellor posición na última proba na que algún ou varios dos empatados participasen.

CLASIFICACIÓN DO CAMPIONATO GALEGO

*A clasificación por clubs será global puntuando cada club máximo 3 deportistas por categoría por posto acadado segundo a seguinte táboa:

Posto	Puntos	Posto	Puntos	Posto	Puntos	Posto	Puntos
1	50	11	35	21	25	31	15
2	48	12	34	22	24	32	14
3	46	13	33	23	23	33	13
4	44	14	32	24	22	34	12
5	42	15	31	25	21	35	11
6	40	16	30	26	20	36	10
7	39	17	29	27	19	37	9
8	38	18	28	28	18	38	8
9	37	19	27	29	17	39	7
10	36	20	26	30	16	40	6
						≥41	5

- Exemplo club:
 - o Benxamín feminino: 1ª e 17ª= 50+29=**79 puntos**
 - o Benxamín masculino: 5º, 11º, 12º e 16º= 42+35+34+30=**111 puntos**
 - o Alevín feminino: 2ª, 8ª e 15ª= 48+38+31= **117 puntos**
 - o Alevín masculino: 16º= **30 puntos**
 - o Infantil feminino: Sen representación= **0 puntos**
 - o Infantil masculino: 4º e 20º= 44+26= **70 puntos**
 - o Cadete feminino: 11ª e 26ª= 35+20= **55 puntos**
 - o Cadete masculino: 1º, 41º e 50º= 50+5+5= **60 puntos**
 - o **TOTAL CLUB= 79+111+117+30+0+70+55+60=522**

Resultará vencedor o club con maior puntuación.

En caso de empate, vencerá o que máis primeiros postos acadara.

De persistir o empate vencerá o que máis segundos postos acadara, máis terceiros,...

6.-NORMAS DE COMPETICIÓN

A competición disputarase baixo a normativa vixente do Regulamento Oficial de Competición da Federación Española de Tríatlon e Federación Galega de Tríatlon.

Normas básicas

Os participantes deberán:

- Acudir con (DNI/Licenza) e presentalo en todos os controis dos oficiais.
- Levar o material necesario; bicicleta, casco, zapatillas.
- Coñecer os percorridos.
- Obedecer as indicacións dos oficiais.
- Respetar as normas de circulación.
- Informar a un oficial cando se retiren da competición e entregarlle o seu número.

Os dorsais:

- O uso de dorsal será o establecido no regulamento oficial de competición FETRI*
(*Obrigatorio en ciclismo.- na parte traseira do deportista circular15/2019 30/12/2019)
- Obrigatorio o seu uso en carreira a pé. Debe ser visible na parte dianteira do atleta.
- Deberán colocarse todos os dorsais (corpo, bici, casco,...) que provea a organización antes de entrar ao control de material

O casco

- O uso de casco, correctamente abrochado, é obrigatorio dende antes de coller a bicicleta ata despois de deixala na área de transición no seu soporte. Isto inclúe, polo tanto, todo o segmento de ciclismo e os percorridos polas áreas de transición en posesión da bicicleta.
- 0..
- Se un atleta se retira por razóns de seguridade non deberá desabrochase o casco ata que estea fóra do circuíto ciclista.

SAÍDAS

- Benxamín e alevín- carreiras separadas ou saída conxunta, nunca saídas separadas por período de tempo.
- Infantil e cadete.- de ser necesario separalas posibilidade de tempo máximo a 1 minuto
- A criterio regulamentario e valoración do DT

NATACIÓN

- O atleta pode nadar no estilo que desexe. O atleta debe facer o percorrido marcado. O atleta non pode recibir axuda externa.
- En caso de querer retirarse ou precisar axuda, o atleta debe alzar o brazo e solicitar asistencia. Unha vez é atendido, o atleta debe retirarse da competición.

CICLISMO

- Haberá unha liña de montaxe marcada no chan ao saír da transición, tras a cal o atleta debe subirse á bicicleta. Ao finalizar o percorrido ciclista, atopará a liña de desmontaxe antes da cal deberá baixarse ao chan, para entrar na zona de transición á carreira a pé, levando a bicicleta coa man ata o seu lugar, que estará indicado co

- número do dorsal. O circuío estará totalmente pechado ao tráfico de vehículos.
- Permítese o uso de bicicleta de montaña.
 - Permítese o uso de minifreos engadidos ao manillar para categorías, prebenxamín, benxamín e alevín
 - Nas categorías benxamín, alevín e infantil, ante unha avaría na bicicleta permítese axuda externa para a reparación, por parte da organización, xuíces, ou técnicos acreditados.
 - Nas competicións de menores con saídas conxuntas, dentro da mesma carreira, permítese o drafting entre sexos

CARREIRA A PÉ

- O atleta pode correr ou camiñar.
- Non pode correr co casco posto.
- Non pode ser acompañado por ningún que non estea disputando a competición.

AREA DE TRANSICIÓN

- Cada atleta poderá usar exclusivamente o espazo marcado co seu número.
- O espazo individual non poderá ser marcado con elementos que axuden á súa identificación.
- O material debe estar no seu lugar antes, durante e despois da competición, O maltrato de material, actitudes como tirar o casco en calquera sitio ou de falta de respecto, serán sancionadas.
- As bicicletas débense deixar na área de transición na situación asignada. Co guiador mirando cara o pasillo onde estea colocado o número do deportista.
- Só está permitido deixar no espazo asignado na área de transición, o material que vaia ser usado durante a competición.
- O casco, zapatillas de ciclismo, lentes e outro equipamento de ciclismo, pode estar colocado na bicicleta.
- Todos os atletas deberán circular polas áreas de transición conforme a sinalización marcada polos xuíces da competición, non estando permitido acurtar o percorrido pola transición, pasando por debaixo das barras ou cintas.
- Só se poderá retirar o material da zona de transición, unha vez acabada a proba, cando os xuíces/oficiais da competición así o indiquen. Os deportistas acudirán identificados para a súa retirada.

7. OUTRAS NORMAS

Todos os aspectos non recollidos nestas normas serán regulados pola normativa oficial da Federación Galega de Tríatlon e Péntatlon Moderno, que se pode consultar na páxina web: www.fegatri.org